

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona" broj 7/10.), na prijedlog Ministarstva za boračka pitanja, Vlada Zeničko-dobojskog kantona na 54. sjednici, održanoj 06.05.2016. godine, donosi

ZAKLJUČAK

I.

Prihvata se Informacija o stambenom zbrinjavanju branilaca i članova njihovih porodica u 2015. godini, Ministarstva za boračka pitanja kao obrađivača.

II.

Informacija o stambenom zbrinjavanju branilaca i članova njihovih porodica u 2015.godini, nalazi se u prilogu i čini sastavni dio ovog zaključka.

III.

Zaključak stupa na snagu danom donošenja.

Broj: 02-_____/16.

Datum, 06.05.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za boračka pitanja,

1x a/a.

**BOSNA I HERCEGOVINA
FEDERACIJA BOSNA I HERCEGOVINA
ZENIČKO-DOBOJSKI KANTON
MINISTARSTVO ZA BORAČKA PITANJA**

I N F O R M A C I J A
o stambenom zbrinjavanju branilaca i članova njihovih porodica
u 2015.godini

Zenica, april 2016.godine

I. Uvod

Neriješeno stambeno pitanje predstavlja jedan od najznačajnijih egzistencijalnih problema stanovnika Zeničko-dobojskog kantona, a najugroženiji dio populacije su svakako branioci i članovi njihovih porodica. Kao prvo trebalo bi naglasiti da Ministarstvo za boračka pitanja Zeničko-dobojskog kantona (u daljem tekstu: Ministarstvo) od 2013. godine nije raspisivalo javni poziv za dodjelu novčane pomoći braniocima i članovima njihovih porodica u svrhu trajnog stambenog zbrinjavanja, što dovoljno ukazuje na obim i složenost u obradi predmetnih zahtjeva u 2015. godini, kada se isti raspisao.

Veoma je bitno naglasiti da se radi o jako osjetljivoj populaciji, gdje članovi porodica poginulih branioca žive u nepotpunim porodicama, ratni vojni invalidi i demobilizirani branioci sa narušenim zdravljem, a kao hranoci svojih porodica imaju konstantnu potrebu za posebnim socijalnim tretmanom u pogledu zdravstvene zaštite, osiguranja posla, uvjeta rada i privređivanja, ali i stambenog zbrinjavanja.

Obzirom na moralnu obavezu države i cjelokupne društvene zajednice na osiguranju adekvatnog socijalno-ekonomskog statusa ove kategorije stanovništva, a imajući u vidu njihov ogroman doprinos u odbrani zemlje u proteklom odbrambeno-oslobodilačkom ratu, jedan od prioriteta zadatka predstavlja i pomoć u obezbjeđivanju osnovnog egzistencijalnog prava, prava na dom, odnosno rješenja problema njihovog stambenog zbrinjavanja.

II. Normativno reguliranje

Među pravima obuhvaćenim odredbom člana 7. Zakona o pravima branilaca i članova njihovih porodica ("Službene novine FBiH" broj 33/04, 56/05, 70/07 i 9/10, u daljem tekstu: Federalni zakon) za koje je predviđeno da ih branioci i članovi njihovih porodica ostvaruju u skladu sa federalnim i kantonalnim propisima, naznačeno je i "prioritetno pravo za rješavanje stambenog pitanja pod jednakim uvjetima". Članom 29. istog Zakona je propisano: "Kantoni svojim propisima osiguravaju prioritetno rješavanje stambenih pitanja pripadnika branilačke populacije u skladu sa važećim propisima."

Tokom 2015. godine slijedeći propisi na nivou Kantona su regulisali stambeno zbrinjavanje branioca i članova njihovih porodica:

Poglavlje VII. i članovima 24. - 27. Zakona o dopunskim pravima branilaca i članova njihovih porodica (Službene novine ZDK br: 1/14, u daljem tekstu: Zakon) regulisano je pravo na rješavanje stambenog pitanja koje ostvaruju branioci i članovi njihovih porodica na području Zeničko-dobojskog kantona (u daljem tekstu: Kanton), a Uredbom o pomoći u rješavanju stambenog pitanja branilaca i članova njihovih porodica („Službene novine Zeničko-dobojskog kantona“, broj: 4/14, u daljem tekstu: Uredba), koju je donijela Vlada Kantona kao podzakonski akt na osnovu Zakona, utvrđena je visina novčanih sredstava namijenjenih trajnom stambenom zbrinjavanju branioca i članova njihovih porodica, uvjeti, način i postupak dodjele istih, kao i ostala pitanja od značaja za ostvarivanje ovog prava.

Članom 2. Uredbe taksativno su nabrojani korisnici predmetnog prava i to: dobitnici ratnih priznanja ili odlikovanja; ratni vojni invalidi; demobilizirani branioci koji su u periodu od 06.04.1992. do 23.12.1995. godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu; članovi porodice šehida, poginulih, umrlih i nestalih branilaca i umrlih ratnih vojnih invalida; članovi uže porodice poginulih, umrlih ili nestalih dobitnika ratnog priznanja ili odlikovanja. Član 3. Uredbe predviđa i posebne korisnike ovog prava i to: udovica umrlog demobiliziranog branioca koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu; roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

Uredbom su također utvrđeni načini rješavanja stambenog pitanja branioca i članova njihovih porodica putem: prijenosa prava vlasništva na stanovima dodijeljenim na korištenje od strane Vlade Kantona; odobravanjem sredstava općinama u svrhu kupovine i izgradnje stambenih jedinica; dodjelom jednokratnih bespovratnih novčanih sredstava u svrhu - izgradnje stambenog objekta s ciljem trajnog stambenog rješavanja; kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini; prilagođavanju stambenog objekta posebnim potrebama ratnih vojnih invalida; te sufinansiranja izdavanja dozvole za gradnju i sufinansiranja legalizacije stambenog objekta.

Članom 8. Uredbe utvrđeno je da se rješavanje stambenog pitanja branioca i članova njihovih porodica vrši po pravu prvenstva, kako slijedi: dobitnici ratnih priznanja ili odlikovanja iz člana 5. stav 3. Federalnog zakona; djeca šehida, poginulih, umrlih, nestalih branioca bez oba roditelja i RVI sa oštećenjem organizma od 100% I grupe; porodice sa dva i više šehida, poginulih, umrlih, nestalih branioca i RVI 100% II grupe; članovi uže porodice poginulih, umrlih, nestalih dobitnika ratnih priznanja ili odlikovanja iz člana 5. stav 3. Federalnog zakona; porodice šehida, poginulih, umrlih ili nestalih branilaca i ratni vojni invalidi sa oštećenjem organizma 90%, 80% i 70%; članovi uže porodice poginulih, umrlih, nestalih dobitnika ratnih priznanja ili odlikovanja iz člana 5. stav 4. i 5. Federalnog zakona i umrlih ratnih vojnih invalida; ostali dobitnici ratnih priznanja ili odlikovanja; ratni vojni invalidi sa oštećenjem organizma od 20% do 60%; demobilizirani branioci; udovica umrlog demobiliziranog branioca iz člana 3. tačka a) Uredbe; te roditelji umrlog ratnog vojnog invalida ili demobiliziranog branioca iz člana 3. tačka b) Uredbe.

Ministarstvo je, u skladu sa članom 26. Uredbe, donijelo Instrukciju o primjeni Uredbe broj: 13/03-23-6926/15 od 15.06.2015. godine, kojom su date upute i pojašnjenja za pravilnu primjenu odredbi iste, a u smislu pravilnijeg provođenja postupka ostvarivanja predmetnog prava. Cilj iste je uvođenje jednoobraznog i efikasnog provođenja procedura u primjeni Uredbe, odnosno utroška sredstava Ministarstva u skladu sa dinamikom priliva budžetskih sredstava.

Ono što je bitno naglasiti je i kontinuirana saradnja između Vlade Zeničko- dobojskog kantona i općinskih nivoa vlasti u realizaciji stambenog zbrinjavanja ove populacije, kao i međusobna saradnja Ministarstva za boračka pitanja i Ministarstva za rad, socijalnu politiku i izbjeglice. Primjer istog je rješavanje stambene problematike korisnika u 2015. godini a u skladu sa zaključenim Sporazumom o zajedničkom učešću u trajnom stambenom zbrinjavanju boračke populacije broj: 13-14-20040/13 od 24.09.2013. godine zaključenog između Vlade Zeničko-dobojskog kantona i Grada Zenica.

Budžetom Zeničko-dobojskog kantona („Službene novine ZDK broj 2/15 od 30.03.2015.) u razdjelu 24, budžetska organizacija 01, potrošačka jedinica 0001 - Ministarstva za boračka pitanja, na poziciji 614200 -"Grantovi pojedincima", subanalitici OAD 208 - „Pomoć u rješavanju stambenog pitanja“ odobren je iznos od 2.055.000,00 KM. Utrošak navedenih sredstava reguliran je Programom utroška sredstava Budžeta ZDK za 2015. godinu na poziciji Ministarstva za boračka pitanja, usvojenog Zaključkom Vlade broj: 02-14-10383/15 od 05.05.2015.godine. Raspoloživa sredstva umanjena su Odlukom Ministarstva finansija o prestrukturiranju rashoda broj: 07/03-02-14-15004-2/15 od 15.07.2015.godine, te Izmjenama Budžeta Zeničko-dobojskog kantona za 2015.godinu broj: 01-14-22569/15 od 23.12.2015.godine na iznos od 1.750.000,00KM.


III. Aktivnosti na rješavanju stambenog pitanja branioca i članova njihovih porodica u 2015. godini sa tabelarnim pregledima podnesenih zahtjeva i odobrenih pomoći za stambeno zbrinjavanje

Okvirna raspodjela sredstava prema općinama/grad Kantona određena je Programom utroška sredstava. Navedenim Programom određeno je također i prioritarno rješavanje predmeta preostalih iz 2014. godine, tako da je preostalih devet predmeta završeno u 2015. godini.

Iako se imenovanje Vlade Zeničko-dobojskog kantona desilo tek u martu 2015. godine, Ministarstvo je uspjelo na vrijeme raspisati Javni poziv i obraditi sve zaprimljene predmete iz svih dvanaest općina/grad Kantona u 2015. godini.

Posebno treba naglasiti kako javni poziv za dodjelu novčane pomoći braniocima i članovima njihovih porodica u svrhu trajnog stambenog zbrinjavanja nije raspisan od 2013. godine, tako da dole prikazani dijagram najbolje oslikava uspješnost u realizaciji javnog poziva u 2015. godini, a sa aspekta poređenja kroz posljednje tri godine.

Dijagram broj 1.- hronološki prikaz finansijske realizacije sredstava za pomoć u stambenom zbrinjavanju



U skladu sa Uredbom, zahtjeve za dodjelu sredstava u svrhu pomoći rješavanja stambenog pitanja branilaca i članova njihovih porodica zainteresirani korisnici su aplicirali kod prvostepenih organa, odnosno nadležnih općinskih /gradska službi za boračko- invalidsku zaštitu. Iste su shodno Uredbi i Instrukciji Ministarstva vršile obradu zaprimljenih predmeta te formirale liste prvenstva na koje su aplikanti imali pravo prigovora. Nakon proteka roka u kojem su nezadovoljni podnosioci zahtjeva imali pravo podnijeti prigovor općinskoj/gradskoj službi, prvostepeni organi su formirali Konačne liste utvrđene u skladu sa planom dodjele sredstava po općinama/ grad Kantona, a u skladu sa Programom utroška sredstava za 2015. godinu.

Ministarstvo kao drugostepeni organ u postupajućoj pravnoj stvari, je komisijski razmatralo sve predmete dostavljene po Konačnim listama općina /grad, te obrazloženi stav o odbijanju ili opravdanosti zahtjeva dostavljalo Ministru u formi prijedloga Zaključka Vlade Zeničko- dobojskog kantona ili obavjesti o odbijanju zahtjeva sa preciziranim pravnim osnovom za isto. Komisija Ministarstva je ukupno obradila 955 predmeta iz svih 12 općina /grad Kantona.

Naglašavamo da u skladu sa članom 16. stav 2. Uredbe, na obrazloženi prijedlog Ministarstva, zaključak o odobravanju dodjele sredstava u iznosu većem od 1.000,00 KM donosi Vlada Kantona, pa je zbog velikog broja zahtjeva upućen enorman broj prijedloga Zaključaka prema Vladi Kantona, što je usporavalo rad ovog organa izvršne vlasti.

Prema staroj Uredbi o rješavanju stambenog pitanja branitelja i članova njihovih porodica (Službene novine ZDK br: 19/07 i 2/13) Ministar je imao mogućnost donošenja odluka o odobravanju predmetne pomoći u iznosu do 5.000,00 KM.

Tabela broj 1.- pregled podnesenih zahtjeva i odobrenih pomoći po općinama/grad

Općina/ grad	Ukupan broj podnesenih zahtjeva	Broj zahtjeva prema Konačnoj listi	Broj odbijenih zahtjeva po Konačnoj listi	Broj odobrenih zahtjeva po Konačnoj listi	Broj odobrenih zahtjeva po članu 20. Uredbe
Breza	28	15	9	6	-
Doboj Jug	27	17	7	10	1
Kakanj	34	10	3	7	1
Maglaj	125	33	18	15	2
Olovo	101	40	28	12	4
Tešanj	111	52	34	18	3
Usora	34	15	5	10	-
Vareš	17	12	2	10	1
Visoko	49	25	6	19	2
Zavidovići	128	64	29	35	2
Zenica	224	68	30	38	18
Žepče	77	30	15	15	3
Ukupno	955	381	186	195	37


Sljedeća tabela prikazuje broj podnesenih zahtjeva za stambeno zbrinjavanje po načinu rješavanja za 2015.godinu, a kako predviđa član 7. Uredbe: prijenosa prava vlasništva na stanovima dodijeljenim na korištenje od strane Vlade Kantona; odobravanjem sredstava općinama u svrhu kupovine i izgradnje stambenih jedinica; dodjelom jednokratnih bespovratnih novčanih sredstava u svrhu - izgradnje stambenog objekta s ciljem trajnog stambenog rješavanja; kupovine individualnog stambenog objekta ili stana na osnovu ugovora zaključenog u prethodnoj ili tekućoj

kalendarskoj godini; prilagođavanju stambenog objekta posebnim potrebama ratnih vojnih invalida; te sufinansiranja izdavanja dozvole za gradnju i sufinansiranja legalizacije stambenog objekta.

Tabela broj 3.- Pregled podnesenih zahtjeva po načinu rješavanja stambenog pitanja

Općina /grad	Izgradnja	Kupovina	Prilagođavanje	Sufinansiranje izdavanja dozvole za gradnju/ legalizacije
Breza	4	1	-	1
Doboj Jug	9	1	-	-
Kakanj	1	4	-	2
Maglaj	5	8	2	-
Olovo	12	-	-	-
Tešanj	14	1	1	2
Usora	6	-	-	4
Vareš	2	7	-	1
Visoko	8	3	1	7
Zavidovići	22	12	-	1
Zenica	8	24	-	6
Žepče	13	2	-	0
Ukupno:	104	63	4	24

Dijagram broj 2.- raspodjela sredstava prema načinu rješavanja stambenog pitanja



U skladu sa članom 20. Uredbe rješavani su predmeti koji su bili posebni slučajevi stambenog zbrinjavanja i koji iziskuju hitno rješavanje, a tačkom 9. Instrukcije jasno su date upute o primjeni istog. Naime, to se odnosilo na slučajeve rješavanja stambene problematike podnositelja zahtjeva koji su izvršili kupovinu stambenog objekta u periodu 01.01.2012. do 01.01.2014. godine, iz razloga jer Ministarstvo nije u navedenom periodu raspisivalo javni poziv za dodjelu sredstava ove namjene. Prema Instrukciji, gore navedeni član se primjenjivao i u slučajevima sanacije ili adaptacije stambenih objekata čija je šteta povećana usljed vremenskih nepogoda ili drugih vanrednih situacija. Naglašavamo da za većinu predmeta koji su dostavljeni od strane prvostepenog organa sa prijedlogom primjene člana 20. Uredbe, Komisija Ministarstva je vršila terensku obradu predmeta, te na taj način utvrđivala opravdanost istih.

Od Budžetom raspoloživih sredstava za ovu namjenu u iznosu od 1.750.000,00KM ukupno je utrošeno **1.745.279,64 KM** odnosno **99,73%** raspoloživih sredstava.

Ako se uzme u obzir činjenica da je rad Komisije Ministarstva po zaprimljenim konačnim listama, a u skladu sa utvrđenim hodogramom otpočeo početkom septembra 2015.godine, te činjenica kako je za svaki pojedinačni predmet bilo potrebno sačiniti prijedlog Zaključka Vlade, jasni su naponi koje je bilo potrebno uložiti da bi se postigao ovaj nivo realizacije povjerenih sredstava.


Dodatna otežavajuća okolnost trenutnom sazivu Vlade bila je i obaveza osiguranja sredstva za ovu namjenu, obzirom da su zatečeni neisplaćeni nalozi po osnovu Odluka donešenih u 2012., 2013., 2014. i 2015.godini u ukupnom iznosu od 1.003.737,00 KM. Navedeno je u cijelosti relizirano prije okončanja javnog poziva raspisanog u 2015.godini, te je i ovo važna činjenica kojim se vratilo povjerenje branilačke populacije u ovo Ministarstvo i Vladu Zeničko-dobojskog kantona.

U nastavku je detaljno prikazana struktura dodjeljenih pomoći po kategorijama branilačke populacije, kao i odobreni iznosi po općinama /grad Kantona za 2015.godinu

Tabela 4. – Strukturalni i finansijski prikaz dodjeljenih pomoći za stambeno zbrinjavanje

Općina	PPB	RVI	DRPO	DB	PURVI	PUDB	Odobreno u KM
Breza	2	2	-	2	-	-	44.582,82
Doboj Jug	-	1	-	10	-	-	51.000,00
Kakanj	2	2	-	4	-	-	57.867,57
Maglaj	2	4	-	11	-	-	135.000,00
Olovo	-	4	-	12	-	-	115.000,00
Tešanj	1	-	1	19	-	-	148.500,00
Usora	-	3	-	7	-	-	42.700,00
Vareš	3	1	-	7	-	-	73.000,00
Visoko	3	2	1	15	-	-	126.000,00
Zavidovići	5	3	-	26	-	3	272.000,00
Zenica	8	15	-	32	-	1	526.629,25
Žepče	1	3	2	12	-	-	153.000,00
Ukupno	27	40	4	157	0	4	1.745.279,64

Dijagram broj 3.- raspodjela dodjeljenih sredstava prema kategoriji branilačke populacije



PPB – porodica poginulog branioca
RVI – ratni vojni invalid
PURVI – porodica umrlog RVI

DRPO – dobitnik ratnog priznanja / odličja
DB – demobilizirani branioac
PUDB - porodica umrlog DB

Korisnici nezadovoljni stavom Ministarstva imali su, u skladu sa Zakonom o upravnom postupku ("Službene novine Federacije Bosne i Hercegovine" broj 2/98 i 48/99) , pravo žalbe na prvostepena rješenja. U skladu sa navedenim, u dole navedenoj tabeli dajemo prikaz odlučivanja i postupanja u žalbenom postupku sa 31.12.2015. godine. Naglašavamo da u momentu izrade ove Informacije ukupan broj neriješenih žalbi je petnaest, te da će za iste okončani žalbeni postupak do polovine aprila 2016. godine.

Tabela 4. – Prikaz obrade predmeta u žalbenom postupku sa 31.12.2015. godine

Općina/ Grad	Broj žalbi u postupku	Broj odbijenih žalbi	Broj uvaženih žalbi
Breza	4	5	0
Doboj Jug	3	6	0
Kakanj	3	7	0
Maglaj	23	9	0
Olovo	26	14	0
Tešanj	28	5	1
Usora	2	0	0
Vareš	1	1	1
Visoko	5	13	1
Zavidovići	21	8	0
Zenica	24	50	2
Žepče	16	3	5
Ukupno	156	121	8

U skladu sa članom 22. Uredbe, ministar Ministarstva, sa kandidatima kojima je odobrena pomoć, zaključuje ugovore o dodjeli i implementaciji sredstava za trajno stambeno zbrinjavanje, a istim se konkretno regulišu prava i obaveze ugovornih strana.

Također jako je bitno naglasiti da je Ministarstvo naročito vodilo računa da ispoštuje primjenu člana 19. Uredbe, odnosno da svi nerealizovani podneseni zahtjevi koji ispunjavaju uvjete iz Uredbe za dodjelu sredstava, budu prioritetno rješavani u tekućoj 2016. godini. Odmah po usvajanju Budžeta za 2016. godinu Zeničko-dobojskog kantona isti će biti upućeni u formi prijedloga Zaključka, Vladi Zeničko- dobojskog kantona na dalje postupanje.

VII. Zaključna razmatranja

Kako smo i naveli u uvodnom dijelu ove Informacije, naročito treba istaći činjenicu kako javni poziv za dodjelu novčane pomoći braniocima i članovima njihovih porodica u svrhu trajnog stambenog zbrinjavanja nije raspisan od 2013. godine, te pored još jedne otežavajuće okolnosti a to je da se imenovanje Vlade Zeničko-dobojskog kantona desilo tek u martu 2015. godine, Ministarstvo je uspjelo na vrijeme raspisati Javni poziv i obraditi sve zaprimljene predmete iz svih dvanaest općina/grad Kantona u 2015. godini.

Novi saziv Vlade uspio je osigurati sredstva za ovu namjenu, a za neisplaćene naloge po osnovu Odluka donešenih u 2012., 2013., 2014. i 2015. godini u ukupnom iznosu od 1.003.737,00 KM. Tako su uveliko obezbjeđeni normalni uslovi za rad i raspisivanje Javnog poziva u 2015. godini.

Treba istaći da je tokom trajanja procedure na aktivnostima stambenog zbrinjavanja branilaca i članova njihovih porodica u 2015. godini, Ministarstvo blagovremeno informisalo Vladu Kantona, kao i javnost putem Press službe.

Rješavanje problema stambenog zbrinjavanja pripadnika branilačke populacije i naprijed navedene aktivnosti po tom pitanju su u skladu sa reformskim opredjeljenjima Vlade Kantona u oblasti socijalne politike i zaštite pripadnika branilačke populacije i s ciljem poboljšanja socijalno-ekonomskog i drugog statusa ove kategorije stanovništva, imajući u vidu moralni dug države prema istim.

S obzirom da je veliki broj stanovnika sa područja Kantona bio uključen u OS BiH čime su dali značajan doprinos u odbrani zemlje, država nastoji istim pružiti pomoć i u rješavanju njihovog egzistencijalnog problema koji se tiče stambenog zbrinjavanja. Odabrani načini i mogućnosti svakako su uvjetovani ekonomskom situacijom u kojoj se nalazi Kanton.

Imajući u vidu da su sve dosadašnje analize pokazale da je među pripadnicima branilačke populacije sve veći broj onih koji su u stanju socijalne potrebe, smatramo da je ovaj vid pomoći opravdao svoju svrhu.

Mišljenja smo da sa dosadašnjom praksom treba nastaviti, uz uspostavljanje visokog stepena koordinacije između Ministarstva i općina/grad koje aktivno učestvuju kao lokalna zajednica u rješavanju stambenog pitanja pripadnika branilačke populacije sa tog područja, kako bi se postiglo načelo pravednosti, odnosno kako bi što više branilaca i članova njihovih porodica bilo obuhvaćeno ovim vidom pomoći.

Bitno je napomenuti da planirana sredstva za ovu namjenu ne mogu ni blizu zadovoljiti potrebama ove populacije, te smo prinuđeni zbog nedostatka sredstava prenositi dio predmeta iz jedne u drugu budžetsku godinu.

MINISTAR
Fahrudin Čolaković

Zenica, 04.04.2016. godine
Broj: 13/03-2-5-23- 3837/16